



DEMOKRATSKA FRONTA BOSNE I HERCEGOVINE

Adresa: Radićeva 8

Tel: 033 710 400

Web: www.dfsarajevo.ba

E-mail: sekretarijat@fronta.ba

**PREMIJER VLADE KANTONA SARAJEVO
MINISTARSTVO ZA NAUKU, VISOKO OBRAZOVANJE I MLADE
REKTORAT - UNIVERZITET U SARAJEVU**

PREDMET: Zastupnička inicijativa - hitno

Upućujem inicijativu da se izvrše izmjene i dopune Nastavnog plana i programa UNSA za fakultete društvenih formacija radi uvođenja predmeta za izučavanje opsade Sarajeva i zločina genocida počinjenog u BiH u periodu od 1992-1995 godine.

Napominjem da je u toku priprema Nastavnog materijala za izučavanje opsade Sarajeva i zločina genocida počinjenog u BiH u periodu od 1992-1995 godine u osnovnim i srednjim školama u KS u organizaciji Ministarstva za odgoj i obrazovanje KS.

Naslijeđe Haškog tribunala i ogromna arhivska građa o počinjenom genocidu je polazna osnova nastavnog plana u sistemu obrazovanja Kantona Sarajevo koji će novim generacijama putem istine i snage sudskih činjenica kao dokaznih materijala oblikovati odnos prema prošlosti sa velikim pijetetom prema žrtvama genocida, razviti svijest i kritičko mišljenje mladih u potrazi za istinom kako se genocid i zločin protiv čovječnosti više nikada i nikome ne bi ponovio.

Kontinuirano moramo djelovati u pravcu očuvanja mira i izgradnje društva u kojem će svi biti jednaki, isticati empatiju i promovisati ljudska prava i pravdu, raditi na polju kulture sjećanja o ratnim dešavanjima.

Obrazloženje:

Nakon nemilih događaja učinjenih od strane studentica Fakulteta za kriminalistiku, kriminologiju i sigurnosne studije koje su na društvenim mrežama koristile govor mržnje i veličale ratne zločince i to na dan obilježavanja godišnjice genocida u Srebrenici predstavnici SPUS -a najavili su inicijativu Senatu UNSA da se na fakultete društvene formacije uvede predmet o genocidu. Naša obaveza i odgovornost su izgradnja bolje budućnosti BiH kroz borbu protiv retorike podjela, mržnje i poricanja zločina. Upućena inicijativa je doprinos sistemskom rješenju i pristupu oblikovanja mišljenja i odnosa novih generacija naspram prošlosti, ratnih dešavanja i genocida kroz isticanje važnosti kolektivnog sjećanja u društvenom ozdravljenju.

U Sarajevu ,
21.07. 2023 godine

Marijela Hašimbegović dia
zastupnica



DEMOKRATSKA FRONTA BOSNE I HERCEGOVINE

Adresa: Radićeva 8

Tel: 033 710 400

Web: www.dfsarajevo.ba

E-mail: sekretarijat@fronta.ba